

ხელშეკრულება სახელმწიფო შესყიდვის შესახებ

NGOG/D/CW/1931/026/2013

ქ. თბილისი

30 „დეკემბერი 2013 წ

ერთის მხრივ, სსიპ საქართველოს მუნიციპალური განვითარების ფონდი (შემდგომში „შესყიდველი“), წარმოდგენილი მისი აღმასრულებელი დირექტორის მოვალეობის შემსრულებლის ბ-ნი თემურაზ მურდულიას სახით და მეორეს მხრივ შპს „კავკასავტომაგისტრალი“ (შემდგომში „მიმწოდებელი“) წარმოდგენილი მისი გენერალური დირექტორის ბ-ნი ვიქტორ მარშანიას სახით თანხმდებიან შემდეგზე:

1. ხელშეკრულების საგანი და ღირებულება

1.1. საქართველოს მთავრობის 2013 წლის 13 დეკემბრის N1931 განკარგულებით მონიჭებული უფლებამოსილების ფარგლებში, „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „დ“ ქვეპუნქტის საფუძველზე შემსყიდველმა განახორციელა სატყეო გზის მოწყობა თელავში სიგრძით 1.3 კმ (CPV45233226) სახელმიფო შესყიდვა გამარტივებული შესყიდვის საშუალებით.

1.2. მთლიანი სახელშეკრულებო თანხა შესყიდვის ობიექტის მიწოდებასთან დაკავშირებული ყველა ხარჯისა და მიმწოდებლისთვის დადგენილი ყველა გადასახადის გათვალისწინებით შეადგენს 13,113.40 (ცამეტი ათას ასცამეტი და 40/100) ლარს.

2. წინამდებარე ხელშეკრულების შემადგენელი ნაწილები:

2.1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:

- ა) წინამდებარე ხელშეკრულება
- ბ) ხელშეკრულების ზოგადი პირობები;
- გ) ხელშეკრულების სპეციფიკური პირობები;
- ე) კალენდარული გრაფიკი;

ზ) წინასწარი ანგარიშსწორების (სავანსო გადახდის) საბანკო გარანტია;

ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

„შესყიდველი“

სსიპ „საქართველოს მუნიციპალური
განვითარების ფონდი“

ს/კ 206074193

ქ. თბილისი აღმაშენებლის გამზირი N150

ს/ს ბანკი რესპუბლიკა

ბანკის კოდი № 220 101 757

ა/ა GE34BR0000010975120582



მიმწოდებელი

შპს „კავკასავტომაგისტრალი“
ს/კ 238109202

ქ. თბილისი, 36კმ, ლაგოდეხის გზატკეცილი

სს „საქართველოს ბანკი“,

ბანკის კოდი BAGAGE22

ა/ა GE93BG0000000330421100

ვიქტორ მარშანია

გენერალური დირექტორი

ხელშეკრულების ზოგადი პირობები

1. ხელშეკრულების ტერმინები

1.1 „ხელშეკრულების სპეციფიკური პირობები“ არის ხელშეკრულების დანართი, რომელიც აზუსტებს ამ ხელშეკრულების ზოგად პირობებს და წარმოადგენს მის განუყოფელ ნაწილს.

1.2 „ტექნიკური დავალება“ არის მისაწოდებელი სამუშაოს დეტალური განფასებული ჩამონათვალი (ხარჯთალრიცხვა), ტექნიკური პირობები, ნახაზები და სპეციფიკაციები, რომლებიც მოცემულია ხელშეკრულების დანართებში. ჩამოთვლილი დოკუმენტაცია წარმოადგენს წინამდებარე ხელშეკრულების განუყოფელ ნაწილს.

1.3 „ხელშეკრულების ფასი“ ნიშნავს საერთო თანხას, რომელზეც მხარეთა შორის გაფორმდა ხელშეკრულება

1.4 „დღე“, „კვირა“, „თვე“ ნიშნავს კალენდარულ დღეს, კვირას, თვეს თუ ხელშეკრულებით სხვა რამ არ არის გათვალისწინებული; „კვირა“ აღნიშნავს კვირის ნუმერაციას წლის ფარგლებში ISO-8601 სტანდარტის შესაბამისად.

1.5 „პროექტი“ არის იმ მიზნებისა და ამოცანების ერთობლიობა, რომლებზეც ორიენტირებულია ეს ხელშეკრულება.

1.6 „შესრულებული სამუშაოების ანგარიში“ (შემდგომში „შსა“) - ნიშნავს სამუშაოს ან მისი ნაწილის შესრულების დამადასტურებელ დოკუმენტს, რომელიც შესაბამება მე-9 მუხლით („ხელშეკრულების საგნის მიღება-ჩაბარება“) განსაზღვრულ პირობებს.

1.7 "პროგრესის სტატუსის კოდირებული ინდიკაცია" (შემდგომში "პსკი" ან "CBPS") წარმოადგენს სამუშაოს შესრულების შუალედული შეფასების სისტემას, რომელიც გამოიყენება ამ ხელშეკრულების ფარგლებში და წარმოადგენს მის განუყოფელ ნაწილს.

1.8 „ხარვეზი“ არის „მიმწოდებლის“ საქმიანობის შეუსაბამობა ამ ხელშეკრულების პირობებთან.

1.9 „სამშენებლო მოედანი“ არის მშენებლობის განხორციელების დოკუმენტებით განსაზღვრული ტერიტორია, რომელიც აუცილებელია სამშენებლო სამუშაოების განხორციელებისა და მომსახურებისათვის. ხელშეკრულების ფარგლებში შესაძლებელია არსებობდეს რამდენიმე სამუშაო მოედანი. ასეთ შემთხვევაში, ხელშეკრულების შესრულების კონტროლი შეიძლება განხორციელდეს ინდივიდუალურად, თითოეულ მოედანთან მიმართებაში.

1.10 დამოწმების უწყისი (გადახდის სერთიფიკატი) არის შსა-ს ან მიღება-ჩაბარების აქტისა და მიმწოდებლის მიერ წარმოდგენილი ელექტრონული საგადასახადო ანგარიშ-ფაქტურის საფუძველზე შემსყიდველის მიერ დამოწმებული დოკუმენტი.

1.11 „დეფექტი“ („ნაკლი“, „წუნი“) არის ნივთობრივად და უფლებრივად ნაკლოვანი ნივთი/ შესრულება საქართველოს კანონმდებლობის შესაბამისად.

2. ხელშეკრულების ვადები

2.1 სამუშაოს შესრულების ვადები

2.1.1 სამუშაოს მიწოდების საერთო ვადა განისაზღვრება ხელშეკრულების სპეციფიკური პირობებით.

2.1.2 სამუშაოთა შესრულების ხაზობრივი გრაფიკი (შემდგომში კალენდარული გრაფიკი) მოცემულია ხელშეკრულების დანართში, რომელიც წარმოადგენს წინამდებარე ხელშეკრულების განუყოფელ ნაწილს.

2.1.3 ამ ხელშეკრულების მე-12 მუხლით გათვალისწინებული მიზეზების არსებობისას, 8.2 პუნქტით განსაზღვრული ზედამხედველის შუამდგომლობის საფუძველზე და 8.3 პუნქტით განსაზღვრული პასუხისმგებელი პირის მხრიდან თანხმობის შემთხვევაში, შესაძლებელია განხორციელდეს წინამდებარე ხელშეკრულების 2.1.1 პუნქტით გათვალისწინებული სამუშაოს შესრულების საერთო ვადის ცვლილება.

2.1.4 წინამდებარე ხელშეკრულების 2.1.2. პუნქტით გათვალისწინებული კალენდარული გრაფიკის ცვლილების შემთხვევაში განახლებული კალენდარული გრაფიკში ნაჩვენები უნდა იყოს თითოეული სამუშაოს ფაქტიური პროგრესი და ის ზეგავლენა, რომელსაც ის იქონიებს დარჩენილი სამუშაოების ვადებზე და ღონისძიებების თანამიმდევრობაზე.

2.2 ხელშეკრულების მოქმედების ვადა განისაზღვრება ხელშეკრულების სპეციფიკური პირობებით.

3. დეფექტებზე პასუხისმგებლობის პერიოდი - არ გამოიყენება

4. ხელშეკრულების შესრულების უზრუნველყოფა - არ გამოიყენება

5. ხელშეკრულების დაზღვევა - არ გამოიყენება

6. ხელშეკრულების ფასი და ანგარიშსწორება

6.1 ხელშეკრულების ფასი განისაზღვრება ხელშეკრულების სპეციფიკური პირობებით.

6.2. ანგარიშსწორება მიმწოდებელთან განხორციელდება ლარში, მიმწოდებლის საბანკო რეკვიზიტებზე წინასწარი ანგარიშსწორების გზით, ხელშეკრულების ღირებულების 100%-ის ფარგლებში.

6.3. წინასწარი ანგარიშსწორების მიზნით, მიმწოდებელი ვალდებულია ხელშეკრულების გაფორმებიდან 5 (ხუთი) სამუშაო დღის განმავლობაში წარმოადგინოს შემსყიდველთან შეთანხმებული შინაარსის საქართველოში მოქმედი საბანკო დაწესებულების მიერ გაცემული უპირობო, გამოუთხოვადი წინასწარი ანგარიშსწორების (საავანსო) საბანკო გარანტია, რომლის მოქმედების ვადა მინიმუმ 60 კალენდარული დღით უნდა აღემატებოდეს სამუშაოთა მიწოდების საბოლოო ვადას.

6.4. იმ შემთხვევაში თუ მიმწოდებელი არ უზრუნველყოფს ხელშეკრულების გაფორმებიდან 5 (ხუთი) სამუშაო დღის განმავლობაში წინასწარი ანგარიშსწორების (საავანსო) საბანკო გარანტიის წარმოდგენას შემსყიდველი უფლებამოსილია ცალმხრივად შეწყვიტოს ხელშეკრულება.

6.5. სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-26² მუხლის მე-6 პუნქტის მოთხოვნათა თანახმად

3 · 

მიმწოდებელი, როგორც თეთრ სიაში რეგისტრირებული პირი, წარმოადგენს წინასწარი ანგარიშსწორების (საავანსო) საბანკო გარანტიას საავანსო თანხის 50%-ის ოდენობით.

6.6. წინასწარი ანგარიშსწორება მიმწოდებელთან განხორციელდება მის მიერ შესაბამის თანხაზე საბანკო დაწესებულების მიერ გაცემული წინასწარი ანგარიშსწორების (საავანსო) საბანკო გარანტიის წარმოდგენიდან არაუგვიანეს 10 სამუშაო დღის განმავლობაში.

6.7. წინასწარ ავანსის სახით გადარიცხული თანხის დაქვითვა განხორციელდება წინამდებარე ხელშეკრულების პირობების შესაბამისად დადასტურებული შსა-ს ან მიღება-ჩაბარების აქტისა და მიმწოდებლის მიერ წარმოდგენილი ელექტრონული საგადასახადო ანგარიშ-ფაქტურის საფუძველზე, შემსყიდველის მიერ გადახდის უწყისის დამოწმებიდან 28 დღის განმავლობაში.

6.8. ხელშეკრულების 6.5. პუნქტში აღნიშნული შემთხვევისას თავდაპირველად განხორციელდება არაუზრუნველყოფილი საავანსო თანხის დაქვითვა სრულად.

6.9. იმ შემთხვევაში თუ, ხელშეკრულება წინამდებარე ხელშეკრულებით გათვალისწინებული პირობების შესაბამისად შეწყდა ვადაზე ადრე და/ან მიმწოდებელი ხელშეკრულებით გათვალისწინებულ ვადაში ვერ უზრუნველყოფს სამუშაოს შესრულებას და მხარეები ვერ შეთანხმდებიან ამ ვადის გაგრძელებაზე, მიმწოდებელი ვალდებულია შესაბამისი შეტყობინების გაგზავნიდან არაუგვიანეს 10 (ათი) სამუშაო დღის ვადაში დააბრუნოს წინასწარ ავანსის სახით გადარიცხული თანხიდან შეუსრულებელი ვალდებულების პროპორციული ღირებულების შესაბამისი თანხა, წინააღმდეგ შემთხვევაში შემსყიდველი უფლებამოსილია გარანტიის მოქმედების პერიოდში მიმართოს გარანტიის გაცემ ორგანოს (გარანტის), ავანსის სახით გადარიცხული თანხის ფარგლებში მიმწოდებლის მხრიდან შეუსრულებელი სამუშაოს ღირებულების პროპორციულად გათვალისწინებული თანხის დაბრუნებაზე, ასევე მიმწოდებელი ვალდებულია შემსყიდველის მიერ პირველივე მოთხოვნის წაყენებიდან არაუგვიანეს 10 კალენდარული დღის განმავლობაში დააბრუნოს არაუზრუნველყოფილი საავანსო თანხა (ასეთის არსებობის შემთხვევაში). ხელშეკრულების ვადაზე ადრე შეწყვეტის შემთხვევაში მიმწოდებლის მიერ შესარულებელი ვალდებულების მოქმედების ვადა გრძელდება ვალდებულების სრულ შესრულებამდე.“

6.10. ხარჯთაღრიცხვაში ასახული გაუთვალისწინებელი სამუშაოების ხარჯების ანაზღაურება განხორციელდება მხოლოდ ასეთი ხარჯების არსებობის შემთხვევაში. გაუთვალისწინებელი ხარჯების არსებობისას მიმწოდებელმა უნდა უზრუნველყოს ასეთი ხარჯების დეტალური გაშიფვრა და დასაბუთება, რომლის საფუძველზეც განხორციელდება ხელშეკრულების 8.2 პუნქტით განსაზღვრული პირის მიერ შსა-ს დადასტურება. გაუთვალისწინებლი სამუშაოების გაწევის უფლება მიმწოდებელს ეძლევა შესმყიდველის თანხმობის შემთხვევაში.

7 ხელშეკრულებით გათვალისწინებული სხვა მხარეები

7.1 ქვეკონტრაქტორ(ები)ი

7.1.1 ხელშეკრულების მიმდინარეობის ნებისმიერ ეტაპზე „მიმწოდებელი“ უფლებამოსილია უზრუნველყოს სამუშაოს წარმოება ქვეკონტრაქტორ(ები)ის მონაწილეობით.

7.1.2 ქვეკონტრაქტორ(ები)ის მეშვეობით სამუშაოთა წარმების უფლების მიღება „მიმწოდებელს“ გააჩნია მხოლოდ შემსყიდველთან შეთანხმების საფუძველზე, აღნიშნული უფლების მისაღებად „მიმწოდებელმა“ უნდა წარმოადგინოს ქვეკონტრაქტორ(ები)თან გაფორმებული ხელშეკრულება ქვეკონტრაქტით შესასრულებელი სამუშაოების შესახებ ინფორმაციის მითითებით.

3.

7.1.3 ქვეკონტრაქტ(ებ)ით შესასრულებელი სამუშაოების (ასეთის არსებობის შემთხვევაში) წილის ლიმიტი, ხელშეკრულების ფასთან მიმართებაში განისაზღვრება ხელშეკრულების სპეციფიკური პირობებით.

7.1.4 შემსყიდველი უფლებამოსილია უარი განაცხადოს ქვეკონტრაქტორ(ებ)ის სამუშაოს შესრულების პროცესში ჩართვასთან დაკავშირებით.

7.1.5 ქვეკონტრაქტორ(ებ)ის მიერ ნაკისრი ვალდებულებების შეუსრულებლობით ან არაჯეროვანი შესრულებით დამდგარ შედეგზე „შემსყიდველის“ წინაშე პასუხისმგებელია მხოლოდ „მიმწოდებელი“.

7.1.6 ქვეკონტრაქტორ(ებ)ის მიერ შესრულებული სამუშაოს მიწოდებას და შესაბამისად სამუშაოს ჩაბარებას უზრუნველყოფს „მიმწოდებელი“.

7.1.7 ქვეკონტრაქტორ(ებ)ის მიერ შესრულებული სამუშაოს ღირებულების ანგარიშსწორება განხორციელდება „მიმწოდებელთან“ წინამდებარე ხელშეკრულებით გათვალისწინებული პირობების შესაბამისად.

7.2 უფლებების გადაცემა

7.2.1 „მიმწოდებელმა“ „შემსყიდველის“ წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს სხვა პირებს მოცემული ხელშეკრულებით არსებული თავისი ვალდებულებები.

7.2.2 მიმწოდებლის მხრიდან ხელშეკრულების პირობების დარღვევის შემთხვევაში, „შემსყიდველი“ უფლებამოსილია სამუშაოს ის ნაწილი, რომელზეც განპიროვნებული იყო ქვეკონტრაქტორი, განაცალკევოს ამ ხელშეკრულებისაგან და გადასცეს შესასრულებლად ქვეკონტრაქტორს.

7.3 ბენეფიციარები

7.3.1 „შემსყიდველი“, საქართველოს კანონმდებლობაზე დაყრდნობით, ასრულებს ამ ხელშეკრულებით გათვალისწინებულ პროექტს ბენეფიციარის სასარგებლოდ.

7.3.2 ბენეფიციარი, რომელიც მიეთითება ხელშეკრულების სპეციფიკურ პირობებში, იღებს ვალდებულებას, ხელი შეუწყოს პროექტის განხორციელებას.

7.3.3 პროექტის ხელშეწყობის მიზნით, ბენეფიციარი გამოყოფს უფლებამოსილ წარმომადგენელს, რაც აისახება ხელშეკრულების სპეციფიკურ პირობებში,

7.3.4 იმ აქტივობებისათვის, რომლებიც ემსახურება საკუთრების შეკეთებას ან რეაბილიტაციას, ბენეფიციარი გამოხატავს თანხმობას სამუშაოების წარმოებაზე.

7.3.5 იმ აქტივობებისათვის, რომლებიც ემსახურება ახალი ობიექტების შექმნას, ბენეფიციარი გამოხატავს თანხმობას სამუშაოს წარმოებაზე და იღებს ვალდებულებას, გადაიბაროს და ექსპლუატაცია გაუწიოს ამ ობიექტებს.

8 ხელშეკრულების შესრულების კონტროლი

8.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმღინარეობის ნებისმიერ ეტაპზე შემსყიდველი ახორციელებს კონტროლს, რომელიც მოიცავს სამუშაოების ზედამხედველობას და პროექტის ზედამხედველობას.

8.2 სამუშაოების ზედამხედველობის განხორციელების მიზნით, შემსყიდველი ნიშნავს პროექტის ზედამხედველს („ზედამხედველი“), რაც აისახება ხელშეკრულების სპეციფიკურ პირობებში.

8.3 პროექტის საერთო კონტროლის განხორცილების მიზნით, შემსყიდველი ნიშნავს პროექტზე პასუხისმგებელ პირს („პასუხისმგებელი პირი“), რაც აისახება ხელშეკრულების სპეციფიკურ პირობებში. შემსყიდველის გადაწყვეტილებით, ზედამხედველი შეიძლება ამავდროულად იყოს პასუხისმგებელი პირიც.

8.4. ხელშეკრულების მიმდინარეობის კონტროლის მიზანს წარმოადგენს:

8.4.1 სამუშაოს მიწოდების ვადების ხელშეკრულების მოთხოვნებთან შესაბამისობის დადგენა;

8.4.2. მიწოდებული სამუშაოს - ხელშეკრულების დანართებთან შესაბამისობის დადგენა, შესაბამისი ინსპექტირების დასკვნის შედგენა (აუცილებლობის შემთხვევაში), ფარული სამუშაოების კონტროლი (ასეთის არსებობის შემთხვევაში), მიწოდებული სამუშაოების ფაქტობრივი დანახარჯების შესახებ საექსპერტო დაწესებულების და/ან აუდიტის მიერ გაცემული დასკვნის, წინამდებარე ხელშეკრულების დანართის (ზარჯთაღრიცხვა) ურთიერთშედარება და მათ საფუძველზე მიმწოდებლის მიერ შესრულებულ სამუშაოების ან მისი ნაწილის მოცულობისა და ღირებულების დადგენა, შსა-ს დამოწმება და ანგარიშსწორების პროცესის რეგულირება.

8.4.3 ტექნიკური დაფალების დანართებით გათვალისწინებული ღონისძიებებისა და საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

8.4.4 „მიმწოდებლის“ მატერიალურ-ტექნიკური ბაზისა და პროფესიული კომპეტენციის შესაბამისობის დადგენა განსახორციელებელ სამუშაოებთან მიმართებაში.

8.5 „მიმწოდებელი“ ვალდებულია საკუთარი რესურსებით უზრუნველყოს „შემსყიდველი“ კონტროლის პროცედურებისთვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ „შემსყიდველი“ პროცედურების განხორციელების მიზნით გამოიყენებს საკუთარ ან მოწვეულ პერსონალს, იგი თავად გასწევს ამასთან დაკავშირებულ ხარჯებს.

8.6. „მიმწოდებელი“ ვალდებულია საკუთარი ხარჯებით უზრუნველყოს კონტროლის პროცედურების შედეგად გამოვლენილი ყველა დეფექტის აღმოფხვრა.

9. ხელშეკრულების საგნის მიღება-ჩაბარება

9.1 სამუშაოს ან მისი ნაწილის მიღება-ჩაბარება ხორციელდება შსა-ს საფუძველზე მიმწოდებლის მიერ ფაქტიურად შესრულებული სამუშაოს ან მისი ნაწილის მოცულობის შესაბამისად.

9.2 შსა-ს დადასტურების მიზნით მიმწოდებელი ვალდებულია შემსყიდველს წარუდგინოს მიწოდებული სამუშაოების ფაქტობრივი დანახარჯების შესახებ საექსპერტო დაწესებულების და/ან აუდიტის მიერ გაცემული დასკვნა, აღნიშნული დასკვნის შესაბამისი სამუშაოს მოცულობები და ღირებულებები ელექტრონულ ვერსიასთან ერთად. ფაქტობრივი დანახარჯების შესახებ

3- სახელი

ხარჯების განესპერტო დაწესებულების და/ან აუდიტის მომსახურებისათვის გაწეული ხარჯების ანაზღაურებას უზრუნველყოფს მიმწოდებელი.

9.3 ხელშეკრულების 8.2. პუნქტით განსაზღვრული პირი, შესრულებული სამუშაოს ხელშეკრულების დანართებთან გათვალისწინებულ მოთხოვნებთან შესაბამისობის დადგენის მიზნით, ახორციელებს შესრულებული სამუშაოს შემოწმებას, აუცილებლობის შემთხვევაში ადგენს შესრულებული სამუშაოს ან მისი ნაწილის ინსპექტირების აქტს, ამოწმებს კალენდარული გრაფიკის მიხედვით სამუშაოთა მიმდინარეობას, ამოწმებს ფარულ სამუშაოებს, ასეთის არსებობისას, ახორციელებს მიმწოდებლის მიერ წარმოდგენილ შესრულებული სამუშაოების აქტების, მიწოდებული სამუშაოების ფაქტობრივი დანახარჯების შესახებ საექსპერტო დაწესებულების და/ან აუდიტის მიერ გაცემული დასკვნის და წინამდებარე ხელშეკრულების დანართის (ხარჯთაღრიცხვა) ურთიერთშედარებას. იმ შემთხვევაში თუ ფაქტობრივი დანახარჯების მიხედვით ერთი ან რამოდენიმე პოზიციის ერთეულის ფასი აღემატება წინამდებარე ხელშეკრულების დანართის (ხარჯთაღრიცხვა) შესაბამისი პოზიციით გათვალისწინებულ ერთეულის ფასს, ასეთ შემთხვევაში მიწოდებული სამუშაოს ღირებულების დაანგარიშება განხორციელდება წინამდებარე ხელშეკრულების დანართის (ხარჯთაღრიცხვა) შესაბამისი პოზიციით გათვალისწინებულ ერთეულის ფასის შესაბამისად, ხოლო იმ შემთხვევაში თუ ფაქტობრივი დანახარჯების მიხედვით ერთი ან რამოდენიმე პოზიციის ერთეულის ფასი ნაკლებია წინამდებარე ხელშეკრულების დანართის (ხარჯთაღრიცხვა) შესაბამისი პოზიციით გათვალისწინებულ ერთეულის ფასზე, მიწოდებული სამუშაოს ღირებულების დაანგარიშება განხორციელდება ფაქტობრივი დანახარჯების შესახებ საექსპერტო დაწესებულების და/ან აუდიტის მიერ გაცემული დასკვნით გათვალისწინებული ფასის მიხედვით.

9.4 იმ შემთხვევაში, თუ შესრულებული სამუშაო ან მისი ნაწილი შეესაბამება ხელშეკრულების მოთხოვნებს, ხელშეკრულების 8.2 პუნქტით განსაზღვრული პირი ამოწმებს შსა-ს და ახორციელებს შესრულებული სამუშაოს ან მისი ნაწილის მიღებას, ხოლო თუ გამოვლინდება, რომ შესრულებული სამუშაო არ აკმაყოფილებს ხელშეკრულების მოთხოვნებს, შემსყიდველს უფლება აქვს არ მიიღოს სამუშაო ან მისი ნაწილი.

9.5 სამუშაოთა საბოლოო მიღება:

9.5.1 მიწოდებული სამუშაოს საბოლოო მიღება ხორციელდება კომისიური წესით, რომლის ფორმირების წესს და წევრებს განსაზღვრავს შემსყიდველი.

9.5.2 სამუშაოთა დასრულების შესახებ მიმწოდებელი წერილობით ატყობინებს შემსყიდველს და მიუთითებს თავისი წარმომადგენლის ვინაობას, რომელმაც მონაწილეობა უნდა მიიღოს შემსყიდველის მიერ განსაზღვრულ სამუშაოთა მიმღები კომისიის საქმიანობაში.

9.5.3 ხელშეკრულების 9.5.2. პუნქტით გათვალისწინებული შეტყობინებიდან არაუგვიანეს 30 კალენდარული დღის ვადაში სამუშაოთა მიმღები კომისია უზრუნველყოფს მიწოდებული სამუშაოს საბოლოო მიღებას, ობიექტური მიზეზების არსებობის შემთხვევაში წინამდებარე პუნქტით გათვალისწინებული ვადა შეიძლება გაგრძლედეს შემსყიდველის გადაწყვეტილების საფუძველზე.

3 - 

9.5.4 სამუშაოს მიმღები კომისია მოწოდებულ სამუშაოს და ობიექტის დასრულების თაობაზე ხელისმოწერებით ადასტურებს საბოლოო მიღება-ჩაბარების აქტს.

9.6 შემსყიდველი ვალდებულია გონივრულ ვადაში, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული სამუშაოს მოცულობისა და წუნდების მიზეზის მითითებით ასეთის არსებობის შემთხვევაში.

9.7 სამუშაოს მიღების და/ან საბოლოო შემოწმების შედეგად გამოვლენილი დეფექტის აღმოფხვრას საკუთარი ხარჯებით უზრუნველყოფს მიმწოდებელი.

9.8 იმ შემთხვევაში თუ საბოლოო მიმღები კომისიის მიერ დადასტურდა, რომ შესრულებული სამუშაოები შეესაბამება ხელშეკრულებით გათვალისწინებულ მოთხოვნებს სამუშაოს დასრულების ვადად ჩაითვლება ხელშეკრულების 9.5.2. პუნქტის შესაბამისად მიმწოდებლის მიერ სამუშაოთა დასრულების შეტყობინების თარიღი, ხოლო თუ საბოლოო მიღებისას გამოვლინდა, რომ ადგილი აქვს წინამდებარე ხელშეკრულების 9.7. პუნქტით გათვალისწინებულ გარემოებას ობიექტის მიღება განხორციელდება მიმწოდებლის მიერ დეფექტის აღმოფხვრის შემდგომ, ხოლო მიმწოდებელს დაეკისრება 13.1.2 პუნქტით გათვალისწინებული პირგასამტებლო, მიმღები კომისიის მიერ დეფექტის არსებობის თაობაზე დასკვნის გაფორმების თარიღიდან.

10 მხარეთა უფლებები

10.1 მიმწოდებლის უფლებები

10.1.1 მიმწოდებელს უფლება აქვს, ხელშეკრულების ფარგლებში მოითხოვოს დროული და სრული დაფინანსება.

10.1.2 მიმწოდებელს უფლება აქვს დანიშნოს მისი სრულუფლებიანი წარმომადგენელი („მიმწოდებლის წარმომადგენელი“), რაც ასახება ხელშეკრულების სპეციფიკურ პირობებში.

10.2 შემსყიდველის უფლებები

10.2.2 შემსყიდველს უფლება აქვს აწარმოოს მიწოდებული მომსახურების ხელშეკრულების მოთხოვნებთან შესაბამისობის კონტროლი.

11 მხარეთა მოვალეობები

11.1. „მიმწოდებელი“ ვალდებულია:

11.1.1 მიაწოდოს „შემსყიდველს“ სამუშაო ხელშეკრულებით გათვალისწინებული მოთხოვნების განუხრელი დაცვით.

11.1.2 უზრუნველყოს გამოვლენილი ნაკლოვანების აღმოფხვრა საკუთარი ხარჯით, შემსყიდველის მომართვიდან არსებული ნაკლოვანების აღმოფხვრისთვის საჭირო გონივრულ ვადაში.

11.1.3 დროულად განიხილოს „შემსყიდველის“ მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

11.1.4 პირნათლად შეასრულოს ხელშეკრულებით ნაკისრი ყველა ვალდებულება.

3.

11.2 „შემსყიდველი“ ვალდებულია:

11.2.1 გამოყოფილი სახსრების უწყვეტი დაფარვის პირობებში უზრუნველყოს „მიმწოდებლის“ დროული და სრული დაფინანსება ხელშეკრულებით გათვალისწინებულ ვადებში.

11.2.2 დროულად განიხილოს „მიმწოდებლის“ მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

11.2.3 დაიცვას ხელშეკრულებით გათვალისწინებული ყველა პირობა.

12 ხელშეკრულების შესრულების შეჩერება

12.1 ობიექტური გარემოებებით

12.1.1 თუ ხელშეკრულების შესრულების პროცესში მიმწოდებელი წააწყდება ისეთ გარემოებებს, რომელთა გამო ფერხდება ხელშეკრულების პირობების შესრულება, მან დაუყოვნებლივ უნდა გაუგზავნოს წერილობითი შეტყობინება შემსყიდველს და ზედამხედველს, შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. ზედამხედველი იღებს არგუმენტირებულ გადაწყვეტილებას, ჩაითვლება თუ არა წარმოდგენილი გარემოებები ობიექტურად და აცნობებს ამის შესახებ შემსყიდველს.

12.2 შემსყიდველის დავალებით

12.2.1 ზედამხედველს უფლება აქვს მისცეს დავალება მიმწოდებელს სამუშაოების შეჩერებაზე პროექტის სპეციფიკიდან გამომდინარე.

12.3 ფორს-მაჟორის გამო

12.3.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

12.3.2 ამ მუხლის მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი, ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და სამუშაოს მიწოდებისათვის საჭირო საქონლის მიწოდებაზე ემბარგოს დაწესებით, და ფინანსების წყაროს მკვეთრი შემცირებით და სხვა.

12.3.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი

3. 

ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13 ხელშეკრულების პირობების დარღვევა

13.1 საჯარიმო სანქციები

13.1.1 შემსყიდვები იღებს ვალდებულებას წინამდებარე ხელშეკრულებით გათვალისწინებული ანგარიშსწორების ვადების დარღვევის შემთხვევაში გადაუხადოს პირგასამტებლო მიმწოდებელს შეუსრულებელი ვალდებულების 0.1 %-ის ოდენობით ყოველ ვადაგადაცილებულ დღეზე.

13.1.2 მიმწოდებელი იღებს ვალდებულებას ხელშეკრულებით გათვალისწინებული სამუშაოს შესრულების ვადის დარღვევის შემთხვევაში გადაუხადოს პირგასამტებლო შემსყიდველს ხელშეკრულების ფასის 0.1 % ყოველ ვადაგადაცილებულ დღეზე.

13.1.3 თუ სამუშაოების შესრულების ვადაში, ყოველკვირეულ „პსკი“ ანგარიშში, ზედამხედველი შეაფასებს პროექტს „ყვითელი“ სტატუსით, შემსყიდვები აძლევს შემსრულებელ გონივრულ ვადას ხარვეზის აღომსაფხვრელად. თუ ამ ვადის გასვლის შემდგომი „პსკი“ შეფასება არ იქნება „ლურჯი“ ან „მწვანე“, მიმწოდებელი იღებს ვალდებულებას გადაუხადოს პირგასამტებლო შემსყიდველს ხელშეკრულების ფასის 0.1 % ყოველ ვადაგადაცილებულ დღეზე, სანამ ხარვეზი არ იქნება აღმოფხვრილი. იმ შემთხვევაში, თუ ზედამხედველის შეფასება იქნება „წითელი“, ზემოაღნიშნული საჯარიმო სანქციის დარიცხვა დაიწყება დაუყოვნებლივ და გაგრძელდება მანამდე, სანამ შეფასება არ გაუმჯობესდება სულ მცირე, „ყვითელ“ სტატუსამდე.

13.1.4 იმ შემთხვევაში თუ 13.1.2 ან 13.1.3 პუნქტით გათვალისწინებული პირგასამტებლოს ჯამური დარიცხული თანხა შეადგენს ხელშეკრულების 1 პროცენტს და მხარეები ვერ თანხმდებიან სამუშაოს შესრულების ვადის და/ან კალენდარული გრაფიკით გათვალისწინებული ვადის გაზრდაზე, შემსყიდველი უფლებამოსილია ცალმხრივად შეწყვიტოს ხელშეკრულება.

13.1.5 პირგასამტებლოს დარიცხვა ან გადახდა არ ათავისუფლებს მხარეებს ძირითადი ვალდებულებების შესრულებისაგან.

13.1.6 მხარეები თავისუფლდებიან პასუხისმგებლობისაგან თუ ადგილი აქვს მე-12 მუხლით გათვალისწინებულ ხელშეკრულების შესრულების შეჩერებას.

13.2 შეწყვეტის პირობები

13.2.1. ხელშეკრულება შეიძლება შეწყვეტილ იქნეს მხარეთა შეთანხმებით:

13.2.2. შემსყიდველს ასევე შეუძლია ცალმხრივად მთლიანად ან ნაწილობრივ შეწყვიტოს ხელშეკრულება:

13.2.2.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია შეასრულოს სამუშაო ან მისი ნაწილი;

13.2.2.2 თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

13.2.2.3 მიმწოდებლის გაკოტრების შემთხვევაში;

13.2.2.4 მიმწოდებელი აჩერებს სამუშაოთა წარმოებას 10 დღეზე უფრო ხანგრძლივი დროით, მაშინ როდესაც ეს შეჩერება არ იყო ასახული კალენდარულ გრაფიკში და/ან არ იყო ნებადადართული შემსყიდველის მიერ;

13.2.2.5 სამუშაოთა ზედამხედველი გამოსცემს შეტყობინებას, რომ რომელიმე დაფაქტის აღმოფხვრელობა წარმოადგენს ხელშეკრულების არსებით დარღვევას და მიმწოდებელი ვერ შესძლებს ამ დეფექტის გასწორებას ზედამხედველის მიერ დასაბუთებულად დადგენილი დროის განმავლობაში;

13.2.2.6 მიმწოდებელი არ წარმოადგენს საავანსო გადახდის საბანკო გარანტიას;

13.2.2.7 თუ პროექტის განხორციელება ეკონომიკურად არაეფექტური გახდა შემსყიდველისთვის

13.2.2.8 საქართველოს მოქმედი კანონმდებლობით გათვალისწინებულ სხვა შემთხვევებში.

13.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.4 იმ შემთხვევაში, თუ ხელშეკრულება წყდება მიმწოდებელის მიერ ხელშეკრულების პირობების არსებითი დარღვევების გამო, სამუშაოთა ზედამხედველი ადგენს დოკუმენტს, რომელიც შეფასებულია შესრულებული სამუშაო მიმწოდებელისათვის უკვე გადახდილი თანხების და დაუსრულებელ სამუშაოთა ღირებულების ნაწილის გამოკლებით. მიმწოდებელს ხელშეკრულების პირობების დარღვევის გამო ჯარიმის სახით დაეკისრება შეუსრულებელი სამუშაოების ღირებულების 10%. ამ შემთხვევაში სამუშაოთა დასრულების ვადის გადაცილების ჯარიმა არ იქნება გამოყენებული. თუ საერთო თანხა, რომელიც ერგება შემსყიდველს, აღემატება თანხას, რომელიც ერგება მიმწოდებელს, განსხვავება ჩაითვლება დავალიანებად, რომელიც დაფარული უნდა იქნეს მიმწოდებელის მიერ.

14 დასკვნითი პირობები

14.1 ხელშეკრულების პირობების გადასინჯვა

14.1.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

14.1.2 წინამდებარე ხელშეკრულების ფასის შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

14.1.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ფასის 10%-ზე მეტი ოდენობით გაზრდა.

14.1.4 იმ შემთხვევაში, თუ ხელშეკრულების ფასის გაზრდა გამოწვეულია სამუშაოთა მოცულობის გაზრდის გამო, გამოყენებული იქნება წინამდებარე ხელშეკრულების დანართით (ხარჯთაღრიცხვა) გათვალისწინებული ერთეულის ფასები, ხოლო თუ აუცილებელი გახდა ხელშეკრულების დანართით (ხარჯთაღრიცხვა) გაუთვალისწინებელი სამუშაოს დამატების გამო ცვლილების განხორციელება ასეთ შემთხვევაში ერთეულის ფასის დაანგარიშება უნდა განხორციელდეს ცვლილების განხორციელების პერიოდისათვის საბაზრო ფასის მიხედვით.

14.2 სადაო საკითხების განხილვა

14.2.1 შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთანდაკავშირებული სხვა კომპონენტის ირგვლივ.

14.2.2 თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავისგ ადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

14.3 სხვა პირობები

14.3.1 ხელშეკრულება შედგენილია 2 (ორი) ეგზემპლარად და თითოეულ მათგანს თანაბარი იურიდიული მაღა აქვს.

14.3.2 ხელშეკრულების 1 (ერთი) ეგზემპლარი ინახება „მიმწოდებელთან”, ხოლო 1 (ერთი) „შემსყიდველთან”

14.3.3 ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

14.3.4 მხარეების ოფიციალური საკონტაქტო მონაცემები მიეთითება სპეციფიკურ პირობებში

ხელშეკრულების სპეციფიკური პირობები

ქვემოთ მოყვანილი „ხელშეკრულების სპეციფიკური პირობები“ ავსებს და აზუსტებს „ხელშეკრულების ზოგადი პირობებით“ განსაზღვრული საკითხების მნიშვნელობებს და წარმოადგენს ხელშეკრულების განუყოფელ ნაწილს. მათ შორის შეუსაბამობის შემთხვევაში, უპირატესობა ენიჭება წინამდებარე „ხელშეკრულების სპეციფიკური პირობების“.

კონტრაქტის ზოგადი პირობები 2.1.1	სამუშაოს მიწოდების საერთო ვადაა ხელშეკრულების გაფორმებიდან 1 (ერთი) თვე. ბუნებრივი და კლიმატური პირობების გამო სამუშაოთა შესრულების შეფერხებისას, კონტრაქტორის მომართვის საფუძველზე, რაც დადასტურებული უნდა იყოს კომპეტენტური ორგანოს მიერ გაცემული შესაბამისი ცნობით, შესაძლებელია ვადის გადაწევა.
კონტრაქტის ზოგადი პირობები 2.3	ხელშეკრულების მოქმედების ვადაა 2014 წლის 31 დეკემბერი
კონტრაქტის ზოგადი პირობები 4.1	ხელშეკრულების შესრულების უზრუნველყოფის გარანტია <u>არ გამოიყენება</u> .
კონტრაქტის ზოგადი პირობები 6.1	ხელშეკრულების 13,113.40 (ცამეტი ათას ასცამეტი და 40/100) ლარი.
კონტრაქტის ზოგადი პირობები 7.1.3	ქვეკონტრაქტ(ებ)ით შესასრულებელი სამუშაოების წილის ჯამური ლიმიტი შეადგენს ხელშეკრულების ფასის 50 (ორმოცდაათი) პროცენტს.
კონტრაქტის ზოგადი პირობები 7.3.2	ბენეფიციარის სახელწოდებაა: სსიპ ეროვნული სატყეო სააგენტო
კონტრაქტის ზოგადი პირობები 7.3.3	ბენეფიციარის უფლებამოსილი წარმომადგენელია: სსიპ ეროვნული სატყეო სააგენტოს უფროსის უფლებამოსილი პირი
კონტრაქტის ზოგადი პირობები 8.2	პროექტის ზედამხედველი არის: მონიტორინგის სამმართველოს უფროსი სპეციალისტი ბ-ნი მიხეილ ალექსიშვილი
კონტრაქტის ზოგადი პირობები 8.3	პროექტზე პასუხისმგებელ პირი არის: მონიტორინგის სამმართველოს უფროსი სპეციალისტი ბ-ნი მიხეილ ალექსიშვილი
კონტრაქტის ზოგადი	მიმწოდებლის წარმომადგენლია: ბ-ნი ვიქტორ მარშანია



პირობები 10.1.2	<p>კონტრაქტის ზოგადი პირობები 14.3.2</p> <p>შემსყიდველის ოფიციალური საკონტაქტო მონაცემებია: საქართველოს მუნიციპალური განვითარების ფონდი ელგუჯა ხოკრიშვილი, აღმასრულებელი დირექტორი მისამართი: დ. აღმაშენებლის გამზ. N150, თბილისი 0112, საქართველო ტელ.: +995 32 2437001/02/03/04 ფაქსი: +995 32 2437077 ელ-ფოსტა: procurement@mdf.org.ge</p> <p>მიმწოდებლის ოფიციალური საკონტაქტო მონაცემებია: შპს „კავკასიავტომაგისტრალი“ ვიქტორ მარშანია, გენერალური დირექტორი მისამართი: ქ. თბილისი, 36კმ, ლაგოდეხის გზატკეცილი ტელ: +995 595 77 77 17 ელ-ფოსტა: gza.36@yandex.ru</p>
-----------------	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

მგება-ს ანგარიშგება პროექტების სტატუსების შესახებ (ფერების მიხედვით) CBPS

შეფასების ცხრილი:

მაჩვენებელი	ფერი		წინსვლა	ხარისხი	რესურსები
1	ლურჯი		უსწრებს გრაფიკს	მოთხოვნილზე მაღალი	პრობლემა არ არსებობს
2	მწვანე		შეესაბამება გრაფიკს	კონტრაქტით განსაზღვრული მოთხოვნების შესაბამისი	ადეკვატური
3	ყვითელი		ჩამორჩება გრაფიკს, თუმცა არ არსებობს პრობლემა საბოლოო თარიღთან დაკავშირებით, ფაქტიური დანახარჯები 80%-ს აღემატება	არადამაკმაყოფილებ ელია, მაგრამ ექვემდებარება გამოსწორებას	არაადეკვატური
4	წითელი		დასრულების თარიღი საფრთხის ქვეშაა	დაბალი, საჭიროებს შეკეთებას ან რეკონსტრუქციას	კრიტიკული
5	იისფერი		ინჟინრების რეკომენდაციით კონტრაქტი უნდა შეწყდეს, წინსვლის არარსებობის გამო	ინჟინრების რეკომენდაციით კონტრაქტი უნდა შეწყდეს ხარისხთან დაკავშირებული პრობლემის გამო	გაბანკროტება